

四庫禁燬書叢刊編纂委員會

北京出版社

四庫禁燬書叢刊

集部第一七冊目次

青銅自考十二卷

〔清〕俞益謨撰
清康熙四十六年刻本

白鹿山房詩集十五卷

〔清〕方中發撰
清康熙雲松閣刻本

青銅自考十二卷

〔清〕俞益謨撰

清康熙四十六年刻本

北京大學圖書館藏

餘慶堂編輯

青銅自考

本堂藏板

青銅自考叙

黃河之水勢激湍流經青
銅之峽若有受其束縛而
不敢肆者且滌洞曲折不
欲遽去而吾廬在焉余因
之爲號而善夫水之不與
峽爭也其自考云何余少
學無所見聞偶而謁延
耆僻鴻爪印沙僅以驗一
已之居恒臧否職修勤怠

非敢持此以問世竊附著
作之林而妄與夫立德立
功立言之選也或有議者
曰山雞惜羽自照清谿野
象珍牙爲尋僻壤女非銜
美者無事膏沐爲客士欲
避名者往往林泉匿影農
以望秋而苦賈以營息而
勞事不憚煩厥有所旨公
果無心問世一切當付行

雲流水當前而應既去弗
留何爲乎斷楮殘箋仍存
故篋斲梨鐫棗爲是大塊
資疣也耶余咲而應之曰
子殆膠柱求音而不達夫

燥濕變通者歟吾人日讀
古人書者考厥古人立心
行事也苟一己之屈恒臧
否職修勤怠茫無稽驗何
異舍己田而云人田無乃

蔽甚余之所爲自考者自
筮仕至於今日積經三十
餘季蜀嶺之蠶叢鳥道粵
嶠之瘴雨蠻烟六朝金粉
之墟燕趙悲歌之域迄於
雲夢洞庭之廣野沅芷湘
蘭之奧區嶇欽坦夔不一
塗荼苦蔗甜不一境屈偏
裨而爲稟奉叨節鉞而爲
設施敬慎之奏颺者幾何

章咨檄之詳核者幾何事
或寫遐心於尺牘或拈俚
咏於芳肯好醜異態喜慍
殊情簪之所是未必不爲
今之所非今之所予又未

必不爲後之所奪舉生平
之立心行事瑕瑜厮溷指
摘無憑非藉自有靈明質
証疇昔指爪歲月悠悠浮
生忽忽不幾等之蜉蝣旦

暮蠢然食息也乎哉余云
自考實非矯誣惟是居恒
臧否職修勤怠無是書而
世之知我甚于我之自銀
竟有是書而必哢哢辯于

人曰吾非持此問世者人
孰能信若以文必經世而
作事必非常而傳焚許而
逞絕無手筆宇宙之內盡
屬瓊奇郊天鼓必用麒麟

之皮孝經本定需曾子之
策無是情亦無是理余且
隱几而臥矣或拜手而進
曰微公言吾儕拘陋小生
不能仰窺意旨宋宰相司

馬溫公蓄墨至數百觔人
有議其多者公曰吾欲使
子孫知吾蓄此何爲者公
之成是書也不但令子詰
孫知公所爲而當皆後世

莫不知公所爲詎自考云
爾余曰吾無德以遺子孫
安能必子孫爲書中之蠹
第吾桑榆漸逼報効無能
惟俟異日歸來相與二三

知契秋霽春融招尋青銅
之上觀黃河之委迤洗胸
中之塊壘浮白方豪佐觴
無政手把茲帙朗誦臨風
覺其事爲我事言爲我言

我無失其爲我斯厚幸矣
著作云乎哉立德立功立
言云乎哉

昔

皇清康熙四十六年歲在丁亥

王春之上元穀旦

關中俞益謨漫題



青銅自考總目

一卷

題奏條議

二卷

題奏條議

三卷

題奏條議

四卷

咨呈移會

補遺

五卷

檄行文告

六卷

啓集

迎賀

後賀

祝壽

七卷

啓集

元旦

後元旦

端陽

後端陽

中秋

後中秋

冬至

後冬至

雜啟

八卷

尺牘統集

九卷

尺牘

公務

謝侯府答

規箴慰候

補遺

十卷

傳記引

十一卷

序祝祭文

十二卷

詩詞對聯

青銅自考卷之一

題奏條議

目錄

到任謝恩

請述揀選要訣

謝賜醫藥御書

省馬增步

遴選保德守備

題補標管將備

青銅自考卷之一

慶賀平定沙漠

特舉卓異官員

特參溺職劣弁

遵例自陳

請移汎防

謝賜綾碗數珠

代請俸銜官誥

銜邊亟額揀用

請改舉劾

請督現馬

請添左衛官兵

謝出征加級

題請召見揀用

請假還葬

回任謝恩

題補叅遊等缺

請定夫站營兵之制

謝賜匾額翎帽貂裘

青銅自考卷之一

題覆叩聞

尊例自陳

軍政特舉卓異

軍政特參溺職

謝陸楚提並報起程等事

青銅自考卷之一

關中俞益謨嘉言甫著

題奏條議

到任謝恩

奏為恭謝

天恩並報微臣到任日期事竊臣一介庸愚蒙

恩特用兩江督標中軍副將去歲從征口外適衆効

力並無寸功仰邀

聖恩賞賜龍衣非分所承回任之後實切悚惶乃蒙

我

皇上不以臣微賤愚陋復調

陛見傳諭隨

駕出兵臣方踴躍末裝冀圖報効忽聞

罷命自天授臣大同總兵官且奉有作速赴任之

恩旨陛辭遵即就道於本年二月初七日行至臣屬

陽和地方准前任鎮臣康調元委令中軍遊擊

繆軫齋送鎮守大同總兵官銀印一顆

王命旗牌五面擇到臣祇受外隨於本日抵署恭

設香案望

闕叩謝

天恩欽遵任事訖伏念微臣受茲

隆恩異數無由答報

高深惟有正己率屬整飭營務輯睦兵民以期無負

我

皇上委任之至意而已謹將到任日期理合恭報為

此具本奏

聞康熙三十六年二月初八日奏奉

旨該部知道

請速揀選要缺

題為營伍已蒙洞鑒整理急在需人伏祈特賜

恩用以收速効事竊照大同鎮屬馬側兵疲不成營

伍荷蒙

皇上命臣好生調理臣本微賤得沐

殊恩敢不竭盡忠誠仰酬萬一但料理軍務必須諳

練能員非碌二庸才所可勝任而各省沿海沿

邊俱有保題能員之例太同實屬極邊連年又

出兵口外應須幹員之地臣亦不敢擅自輕舉
目今如臣屬之老營河保二營叅將雖部推有
人各在遠方到任無期利民守備病故叅將王
應統已陞副將現今出兵一營缺官係德守備
革退奉

旨守備李其紳着革退保德州地方甚屬緊要交與
該總兵官此缺揀選才能之人補授欽遵在案容
臣旋汎卽揀擇奏

聞其寧武關亦係緊要地方現在缺員再若懷仁朔

州二營俱當衝途差使如織守備俱未到任似

此極邊極衝之區缺官均難久待若大將軍賞
賜古一有調遣官兵行禿之處需員更要伏祈

皇上於就近腹裏地方現任官員內或於隨

駕出兵多次歷年深遊守內曾蒙

聖鑒從優記名之人或調繁或特陞早

錫綸音恩賜特用速令任事俾邊地不致久懸營伍
立見振興爲此具摺謹題請

旨康熙三十六年三月初二日題奉

旨這所題數缺俱係沿邊地方緊要之缺不可久懸
著將朕所看過記名保舉直屬應補各官就授作
速令其赴任兵部知道

謝 賜醫藥 御書

奏爲

聖恩曠代希逢臣病一旦頓起敬陳下悃恭謝

天恩事竊臣庸碌非材過蒙

知遇犬馬未効馳驅中途陡染寒症臥病保德日夜

休惟蒙我

皇上不遺下體

特遣侍衛關係就臣寓所存問不吝肯又差

賜臣

御筆綾字一幅臣跪領供奉珍爲世寶復傳

聖諭匾額俟後

賜來臣自返何人沐此

殊榮感激之下含泪難鳴隨赴

行宮叩謝欽蒙

聖恩而命同去靜養重感難言不必達送再遣

御醫林鴻來寓診視並

賜御製藥酒臣一服之後不特一昔沉疴頓覺消爽

且於川廣受來數十年之瘧疾痼毒悉皆消除
若非

聖製神劑何由捷效如響且臣已四日不食之人一

旦平復如初真正身同再生總之捐糜難報臣

於三月初二日渡河恭叩

聖駕謹具摺奏

謝以

聞

省馬增步

奏爲省馬增步以利操防設管立官征守攸賴

不煩加事獲克濟事竊臣一介庸愚荷蒙

皇恩陞授大同總兵官自愧才微識淺無以仰報

高深惟有稟遵

國憲實心任事俾兵馬營伍整飭以期無負

聖恩委任之意查大同兵馬疲弱情狀已蒙

睿悉其詳臣正在竭蹶籌畫茲恭迎

聖駕乞請恩從特奉

恩諭令臣在鎮整理營務自應恪遵

天語今臣愚見所及者不敢隱默不言如臣標原設

左右營馬兵一千九百餘名誠足禦侮致遠何

敢多贅但巡城守門看庫看砲哨墩伏道晝夜

巡防在二俱係步兵之事今一槩俱用馬兵而

綠旗隻身兵丁一經差出馬匹無人顧養多致

疲疲視此疲瘦之騎既難資以征戰又何益於

操防今臣謬議將臣標馬兵裁馬不裁兵宜裁

馬四百匹其裁馬兵丁令充步行差使仍有不

敷卽以此裁馬之餉准再增步守兵四百名共

合步守兵八百名用之更班防守使現在馬兵

專治操演以脩調遣餉無煩加兵有實用且此

四百兵之馬匹亦可不需再買再臣標止設有

左右兩營現在官弁一遇調遣僅供行走而留

守城汛又無專員管理何能顧濟乞添遊擊一

員照設守備千把立爲中管使之分理操演庶

得戰守咸宜又查殺虎協營額兵一千名亦係

馬兵其巡邏守汛修砌邊牆每乏步兵請於該
營抽馬不抽兵改撥五百名馬糧分發各屬衝
要馬匹單弱營汛令其選拔精強者頂食無事
操演有事可以一呼即至就與各營內照撥步
守兵五百名令入教席營給原抽馬兵丁頂食
聽守兼備實屬攸賴再照殺席協止設副將守
備千總各一員把總二員巡防調遣多致乏人
應請添設千總一員把總二員緩急方得敷用
實臣目擊情形因事制宜雖添立官兵而兵不

奏

九

搬移俸餉無增且於邊疆營務大有裨益矣臣

謬抒管窺伏乞

皇上採擇施行為此具摺謹奏請

旨康熙三十六年三月十六日奉

旨該部議奏兵部叢應如所題奉

旨依議

遵選保德守備

題為遵

旨選補管備事竊臣蒙行在兵部劄付內開管侍衛

內大臣公福善

乾清門侍衛馬武等公同驗看保德州守備李其
紳馬步備員不堪人又應具題奉

旨知道了守備李其紳著革退保德州地方甚屬緊

要交與該總兵官揀選才能之人補授欽此創行

到臣臣遵於所屬官員內揀選得木泉營千總

劉國相才技優長考為精熟且年青力壯諳練

營伍堪以補授保德營守備實屬人地相宜除

將本弁履歷造冊送部外應係遵

奏

十

旨揀選補授事理相應具

題伏乞

睿鑒勅部議覆施行為此謹題請

旨康熙三十六年三月二十四日題奉

旨該部議奏欽此該臣等謹得查劉國相係見任千

總陞補守備與例相符應准以署守備管保德

營守備可也奉

旨依議

題補標管將備

題爲新營需請練之員極遣援係

題之例特請補用以收實効事竊惟大同營汎地

處衝邊此

皇上經臨地方情形悉在

膚鑒之中臣於蒞任之初謹陳省馬增步設立中營

一疏不以臣爲妄謬荷蒙

恩允至所添將備自應聽候部推易敢輕撓

成例惟是新立營伍簡練士卒稽兵核餉分佈汎

守及於整頓軍容必須將佐得人方能有資臂

指才不諳於邊情事必致於遺誤且中軍遊擊

一官爲全鎮首領中營守備一員乃兵馬錢糧

總司責任素重若非練達之員何以勝任查得

陝西靖邊營遊擊高一靖兵部候推守備李得

勝俱各才技優長弓馬熟嫻營伍諸練居官不

苟臣曾與共事深悉廉能仰懇

聖恩將高一靖調補臣標中營中軍遊擊李得勝准

補臣標中營守備再得勝路中軍守備管邦獻

高山城守備高自得俱經陞任兩汎俱在極邊

極衝之區請以臣標右營千總穆文喇補授得

勝路中軍守備以臣屬河保營千總馮廷輔補

授高山城守備此二弁者亦係才技優長弓馬

嫻熟諸練營伍以上四員均屬銜缺相當人地

相宜臣知山西一省原無係題之例但大同各

營孤懸三關之外皆邊城要汎非內地可比故

臣不揣冒昧謹出具保結併造各弁現在擬歷

送部外伏乞

皇上睿鑒准與古北宣府二鎮題補之例

勅部議覆或令各弁赴部聽候引

見倘蒙

聖恩准補實管伍地方均收得人之效矣爲此具本

謹題請

旨康熙三十六年四月十六日題奉

旨大同地方緊要鎮標新設中營遠遊擊守備等官

俱着照該鎮所題補授

慶賀年定沙漠

奏爲